

Sarajevo, 12-10-2018

Broj: 02-03-52346

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta (Sl. novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-51575 od 09.10.2018. godine, Generalna direktorica donosi:

### **ODLUKU**

o poništenju postupka nabavke  
za nabavku rezervnih dijelova i usluga za preventivno i interventno servisiranje aparata/sistema  
proizvođača PHILIPS lociranih na klinikama KCUS-a

#### **I**

**Prihvata se prijedlog Komisije za javnu nabavku, Izvještaj br. 03-06-51575 od 09.10.2018. godine po pregovaračkom postupku sa objavom obavještenja br. 893-3-1-457-3-256/18 od 08.08.2018. godine nabavku rezervnih dijelova i usluga za preventivno i interventno servisiranje aparata/sistema proizvođača PHILIPS lociranih na klinikama KCUS-a i postupak poništava, jer nije dostavljena ni jedna prihvatljiva ponuda (čl 69/(2)/d) ZJN).**

#### **II**

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđaču učesniku postupka javne nabavke.

### **OBRAZLOŽENJE**

Na osnovu Odluke o pokretanju postupka javne nabavke br. 0203-40858 od 07.08.2018. godine, sa procijenjenom vrijednošću u iznosu od 120.000,00 KM bez PDV-a (za rezervne dijelove (robe) do iznosa 80.000,00 bez PDV-a za usluge do iznosa 40.000,00 KM bez PDV-a), Klinički centar Univerziteta u Sarajevu je pokrenuo postupak javne nabavke putem pregovaračkog postupka sa objavom obavještenja u skladu sa članom 20. i članom 27. ZJN BiH (Sl. Glasnik 39/14).

Poziv za pregovarački postupak sa objavom obavještenja za I fazu (predkvalifikacije) objavljen na portalu e-Nabavka br. 893-3-1-457-3-256/18 od 08.08.2018. godine i preuzelo je šest (6) ponuđača. Do roka za prijem ponuda, 24.08.2018 godine, dostavljena je jedna (1) ponuda i to ponuda ponuđača MEDPOINT d.o.o. Sarajevo.

Komisija imenovana Odlukom broj: 02-03-45320 od 28.08.2018 godine pristupila je provjeri dokumentacije dostavljene uz ponudu za I fazu (predkvalifikacije) i konstatovala da dostavljena ponuda sadrži sve potrebne elemente zahtjevane tenderskom dokumentacijom, odnosno da je zadovoljavajuća.

Nadalje, na osnovu Prijedloga Komisije i Zapisnika br. 03-06-45727 od 06.09.2018. godine za I fazu (predkvalifikacija) u sistemu e-nabavke unešeni su podaci da ponuđač MEDPOINT d.o.o. Sarajevo ispunjava uslove predkvalifikacija i u skladu sa navedenim dana 11.09.2018.godine objavljen je poziv ponuđaču MEDPOINT d.o.o. Sarajevo za dostavljanje ponude za II fazu pregovaranja (Inicijalnu ponudu). U datom vremenskom roku do 11,45 sati ; 17.09.2018 godine na Protokol KCUS-a dostavljena je ponuda ponuđača MEDPOINT d.o.o. Sarajevo i protokolisana pod brojem: 03-06-48246 od 21.09.2018. godine.

Otvaranje ponude izvršeno je dana 17.09.2018.godine u 12:00 sati u sali Tehničkog sektora, Bolnička 25, uz prisustvo članova komisije, sekretara komisije i referenta protokola. Javnom otvaranju ponude je prisustvovao predstavnik ponuđača g.din Ekrem Selimović.

Komisija je pristupila provjeri dostavljenih dokumenata i konstatovala da ponuda nije dostavljena u skladu za zahtjevima iz Poziva za dostavljanje ponude za II fazu / tenderske dokumentacija (Poziv br. 02-03-40858-2/18 od 11.09.2018 godine).

Komisija je sa predstavnikom g.dinom Ekremom Selimović pokušala postići dogovor oko nepromjenjivosti cijena za cijeli ugovoreni period (24 mjeseca), ali predstavnik nije mogao, bez konsultacija sa proizvođačem, potvrditi ni odbiti traženi uslov. Na osnovu usvojenog prijedloga dogovoreno je da ponuđač MEDPOINT d.o.o. Sarajevo još jednom stupiti u kontakt sa proizvođačem, te nakon toga dostaviti predmetnu Izjavu. Neadekvatna Izjava o nepromjenjivosti cijena, automatski pobija i Izjavu o prihvatanju uslova okvirnog sporazuma.

Dana 21.09.2018 godine ponuđač MEDPOINT d.o.o. Sarajevo dostavio je Izjavu vezanu za nepromjenjivost cijena na 12 mjeseci (1 godinu) što nije u skladu sa tenderskim uslovom, jer se okvirni sporazum zaključuje na 24 mjeseca (dvije godine).

Obzirom da je tenderskom dokumentacijom zahtjevano dostavljanje izjava o nepromjenjivosti cijena za vrijeme trajanja okvirnog sporazuma, te da ponuđač nije ponudio isto **Komisija i ponuđač** nisu usaglasili mišljenje oko elemenata za zaključivanje okvirnog sporazuma.

Izveštajem br. 03-06-51575 od 09.10.2018. godine Komisija predlaže da se postupak za nabavku rezervnih dijelova i usluga za preventivno i interventno servisiranje aparata/sistema proizvođača PHILIPS lociranih na klinikama KCUS-a **poništi jer nije dostavljena ni jedna prihvatljiva ponuda** (čl 69/(2)/d) ZJN).

Uzimajući u obzir naprijed navedeno, odlučeno je kao u dispozitivu ove Odluke



GENERALNA DIREKTORICA

Prof.dr. Sebiha Izetbegović

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi u dovoljnom broju primjeraka, a koji ne može biti manji od tri.

Dostaviti:  
- Ponuđaču,  
- a/a